



<County: Wales, Denbighshire>

<Code: L1288>

<MS reference: Aberystwyth, National Library of Wales, Trovarth Deeds and Documents, 793>

<Text: Enfeoffment>

This endenter~ made at Ruthyn~ betwen~ Marget *ver*3 Edward Exmewe vpon~ þ^t on~ party and Edward ap Gr~ & Malle his wyffe vpon~ þ^t oder~ party wytnesseth þ^t þ^e forsayde Marget hath gravnted & to wed set on plasse of heres / w^t a gardyn~ lyeng~ ther~-to in þ^e Melle strete in þ^e tovn~ of Ruthyn~ þ^e qwech þ^e ton~ end of þ^e forsayde plasse is Joned apon~ þ^e este party to þ^e plasse of þe forsayd Marget And þ^e toder~ ende of þ^e forsayde plasse Abutteth apon~ þ^e plasse of John~ ap Gr~ on~ þ^e weste party and þ^e sayd Marget wyll & gravnteth by this *presant* indent~ þ^e forsayd [plas] w^t þ^e garden~ // to þ^e forsayde Edward and Malle his wyffe From~ Myghellmas nexte to com~ tyll Myghellmas / agayn~ For~ viij s~ iiij d þ^e qwech þ^e sayde Edward hath payed to to þ^e forsayd Marget / And so þ^e forsayd Marget wyll þ^t þ^e forsayde Edward & Malle haue þ^e sayde plasse & þ^e gardyn~ in wed From~ on~ yer~ tyll a-noder~ tyll [þ^e] forsayd Edward and Malle be payed & contente of þ^e forsayde viij s iiij d in wytnes wher-of to this endentures / þ^e partyes aboue-sayde changeably haue set to ther seles þ^t ix day of Jule þ^e xj yer~ of þ^e regne of keng Edward þ^e fourth this ben~ wytnes *sir*^e Edward of wetton~ henr~ Grey & Rechard ap dd